

Հաստատված է
Հայաստանի Հանրապետության
մշակույթի նախարարի
2011 թ. 06.22 -ի
թիվ 3404 հրամանով
Նախարար



Տպագրված է ընդամենը 5 օրինակ
Օրինակ 1
Գրանցված է
Հայաստանի Հանրապետության
իրավաբանական անձանց պետական
ռեգիստրի <<Նորք-Մարաշ>> տարածքային
բաժնի կողմից 07.02.2003 թ.
Գրանցման համար՝ 273.210.03420
Վկայական 03 Ա 059045
ՀՎՀՀ 01506092

07.02.2003 թ. գրանցված կանոնադրության
թիվ 043 փոփոխությունը գրանցված է
<< իրավաբանական անձանց պետական
ռեգիստրի <<Նորք-Մարաշ>> տարածքային
բաժնի կողմից <<27>> 06 2011 թ.
<<Նորք-Մարաշ>> տարածքային
ստորաբաժանում անհատ



<<ՀԱՅԱՍՏԱՆԻ ԱԶԳԱՅԻՆ ԳՐԱԴԱՐԱՆ>>

ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆ

ԿԱՆՈՆԱԴՐՈՒԹՅՈՒՆ

(ՓՈՓՈԽՈՒԹՅՈՒՆ)

Երևան 2011 թ.

Կանոնադրության <<V. Կազմակերպության կառավարումը>> բաժնի՝

1. 28-րդ կետի <<լիազորված պետական մարմինը>> բառերից հետո լրացնել <<, կոլեգիալ կառավարման մարմինը՝ խորհուրդը>> բառերը,

2. 36-րդ կետի՝

1) ժէ) ենթակետից հանել <<, հաստատում է կազմակերպության ընդհանուր և առանձին կառուցվածքային ստորաբաժանումների կանոնակարգերը, ներքին կարգապահական և այլ կանոններ>> բառերը,

2) ժը) ենթակետը շարադրել հետևյալ խմբագրությամբ.

<<ժը) կոլեգիալ կառավարման մարմնի հաստատմանն է ներկայացնում կազմակերպության գործունեության ծրագրերը, կանոնակարգող ներքին փաստաթղթերը, ինչպես նաև կազմակերպության կառուցվածքային ստորաբաժանումների կանոնակարգերը, ներքին կարգապահական և այլ կանոնները.>>.

3. 38-րդ կետից հետո լրացնել 38.1-ին, 38.2-րդ, 38.3-րդ, 38.4-րդ, 38.5-րդ, 38.6-րդ, 38.7-րդ, 38.8-րդ, 38.9-րդ և 38.10-րդ կետերը հետևյալ բովանդակությամբ.

<<38.1. Կազմակերպության կոլեգիալ կառավարման մարմինը կազմակերպության կառավարման խորհուրդն է (այսուհետ՝ Խորհուրդ):

38.2. Խորհուրդը կազմված է 9 անդամից: Խորհրդի կազմում 5 անդամ առաջադրվում է կազմակերպության աշխատողներից, իսկ 4-ը՝ լիազորված պետական մարմնի կողմից: Խորհրդի լիազորությունների ժամկետը 5 տարի է:

38.3. Խորհրդի կազմում ընդգրկվում են հիմնադրի, լիազորված պետական մարմնի, կազմակերպության, ինչպես նաև գիտական և այլ կազմակերպությունների ներկայացուցիչներ:

38.4. Խորհրդի կազմում կազմակերպության ներկայացուցիչներն ընտրվում են կազմակերպության ներկայացուցչական ժողովի կողմից: Կազմակերպության տնօրենը չի կարող լինել Խորհրդի անդամ: Նա իրավունք ունի Խորհրդի նիստերին մասնակցելու խորհրդակցական ձայնի իրավունքով:

38.5. Խորհրդի անհատական կազմը կազմակերպության տնօրենի ներկայացմամբ հաստատում է լիազորված պետական մարմինը:

38.6. Խորհուրդը՝

1) ընտրում է Խորհրդի նախագահ, նախագահի տեղակալ (տեղակալներ) և քարտուղար,

2) օրենքով և կազմակերպության կանոնադրությամբ նախատեսված կազմակերպության գործունեության բնագավառին, նպատակներին և խնդիրներին համապատասխան՝ կազմակերպության գործունեության հիմնական ուղղությունների մասին առաջարկություններ է ներկայացնում լիազորված պետական կառավարման մարմնին,

3) իրականացնում է ընթացիկ վերահսկողություն կազմակերպության տնօրենի գործունեության նկատմամբ,

4) հիմնադրի կողմից սահմանված կարգով սահմանում է կազմակերպության շահույթի տնօրինման ուղղությունները,

5) հաստատում է կազմակերպության գործունեության ծրագրերը և կանոնակարգող ներքին փաստաթղթերը,

6) հաստատում է իր աշխատակարգը,

7) լիազորված պետական մարմնին առաջարկություններ է ներկայացնում կազմակերպության տարեկան ծախսերի նախահաշվի նախագծի վերաբերյալ,

8) հաստատում է կազմակերպության կառուցվածքային ստորաբաժանումների կանոնակարգերը, ներքին կարգապահական և այլ կանոնները,

9) քննարկում է կազմակերպության տնօրենի կողմից ներկայացված տարեկան հաշվապահական և այլ հաշվետվությունները,

10) իրականացնում է Հայաստանի Հանրապետության օրենսդրությանը չհակասող այլ լիազորություններ:

38.7. Խորհրդի նիստերը գումարվում են Խորհրդի նախագահի կողմից՝ սեփական նախաձեռնությամբ, Խորհրդի անդամների մեկ երրորդի, ինչպես նաև տնօրենի պահանջով: Խորհրդի նիստը գումարվում է նախաձեռնողների սահմանած ժամկետում և կարգով: Խորհրդի նիստերը գումարվում են առնվազն 3 ամիսը մեկ անգամ:

38.8. Խորհրդի նիստը համարվում է իրավազոր, եթե դրան մասնակցում է Խորհրդի անդամների առնվազն 2/3-ը:

38.9. Խորհրդի որոշումներն ընդունվում են նիստին ներկա անդամների ընդհանուր թվի ձայների մեծամասնությամբ: Քվեարկության ժամանակ Խորհրդի անդամն ունի մեկ ձայնի իրավունք: Ձայնի և քվեարկության իրավունքի փոխանցումն այլ անդամի չի թույլատրվում: Խորհրդի նիստերն արձանագրվում են:

38.10. Խորհրդի նիստերը, որպես կանոն, բաց են: Խորհրդի նիստերին, ըստ անհրաժեշտության, խորհրդակցական ձայնի իրավունքով կարող են հրավիրվել կազմակերպության աշխատողները, հասարակության, լիազորված պետական մարմնի և կազմակերպությունների ներկայացուցիչները:>>:

4. 40-րդ կետի ա) և բ) ենթակետերը շարադրել հետևյալ խմբագրությամբ.

<<ա) գիտական խորհուրդ: Գիտական խորհուրդը կազմված է նախագահից, քարտուղարից և անդամներից.

բ) գրականության կորուստների, վերականգնման և փոխհատուցման հանձնաժողով: Հանձնաժողովը կազմված է նախագահից, քարտուղարից և անդամներից:>>:

Սույն փոփոխությունը 2003 թվականի փետրվարի 2-ին գրանցված <<Հայաստանի ազգային գրադարան>> պետական ոչ առևտրային կազմակերպության կանոնադրության անբաժանելի մասն է:

